

n u t a a r s i a s s a t

Nuna Tamakkerlugu Iltersuisarfik Novembari 2019



NUTAARSIASSAT

SAQQUMMIUSSAQ PINGAJUAT





IMARISAI NOVEMBARI 2019

- 04 Ilinniartitaaneq pillugu paasititsisiaalluni angalaneq 2019
 - 06 Nunap qitiusumik immikkoortuini ilitsersuisut ataatsimeersuarneri
 - 08 Aqqutissiuussineq pillugu nalunaarusiap suliarineqarnera
 - 09 Aqqutissiuussinermut atatillugu suliniuteqarnerup naliliivigineqarnera
 - 10 Sunngu nutaaq
 - 10 Suliffissat pillugit nittarsaassineq
 - 11 Isuma/klumme
 - 12 ”Hashi pillugu oqaloqatigiinneq – ilinniagalinnut ilitsersuut”
 - 13 Nuna Tamakkerlugu Ilitsersuisarfik pillugu paasissutissiissut
 - 14 Aqqutissiuussisutut qarasaasiakkut paasissutissanik ujaasinermi iserfissaq nutaaq
 - 15 Ilinniartunik Siunnersuisarfimmiit
- 
- 

ASASARA ATUARTOQ



Nuna Tamakkerlugu Ilitsersuisarfiup ukioq manna
nutaarsiassaataanut kingullermut tikilluaritsi!

Neriorsuutaasutut maanna nutaarsiassiissutit pingajuat saqqummiupparput. Angalanerit annertuut pissutaallutik naatsorsuutigisamit kingusinnerulaarpoq – aaqqissuussinerit ukiaq manna ingerlassat pissanganartut nutaarsiassiissummi matumani atuakkit!

aaqqut.gl

Aaqqissuisutut attavissaq

Nuna Tamakkerlugu Ilitsersuisarfimmit saqqummersitaq

Aaqqissuisutut akisussaasoq: Christine Tønnesen,
chto@aaqqut.gl

Layout: Kristian Aagaard, kraa@aaqqut.gl

Nuna Tamakkerlugu Ilitsersuisarfik
Imaneq 24A, 1. og 2. sal
3900 Nuuk
Emaili: nti@aaqqut.gl



ILINNIARTITAANEQ PILLUGU PAASITITSISIAALLUNI ANGALANEQ 2019

linniartitaaneq pillugu paasititsisiaalluni angalaneq 2019 naammasseqqammerpoq uangalu Ilulissani Aasianni Nuummilu peqataavunga. Suleqatikka Sisimiuni Qaqortumilu peqataapput. Takkuttut, aaqquisuussisut kiisalu ilinniarfiit suliffeqarfiillu paasititsiniaanermut peqataanerat pillugu qutsavigaagut. Angalaneq ilinniarfioqaaq, illoqarfinniillu assigiinngitsunit- assigiinngitsunik tusarlerneqarpunga. Ulluni taakkunani ilinniarfiit nammineq aaqquisuussimmata, illoqarfinni aaqquisuussat assigiinneqaat. Ullut aallartitsinnagit aaqquisuussisut sunik piareersaateqarnissaannik naatsorsuuteqartoqarnera, sumiiffinni arlalinni misigaara. Taamaammat paasititsiniaalluni angalanermut tunngatillugu nalinginnaasumik nassuiaat- taannalu aallartitsinnagu illoqarfinni tamani minnerpaamik suut aaqquisuunneqarsimanissaat pillugu takussutissiaq Nuna Tamakkerlugu Ilitsersuisarfiup suliarerusupaa.

Tamatuma saniatigut suliffeqarfittut peqataaniarluni assigiinngitsunut arlalinnut nalunaartari-aarulluni paasititsiniaalluni angalanermut peqataanissamut ataatsimut nalunaarfissamik Ilitsersuisarfiup suliaqarnissaa, Aasianni pisup naliiviginerani oqaluuseraarput.

Aappaagumut isumaliutersuutigisara alla tassaavoq illoqarfinni minnerusuni immikkut aaqquisuussisogarnissaa (ataatsikkoortinnagit ukiulli tamaasa arlaqanngitsut tikittarlugit). Qanorli iluseqarnissaa qanorlu annertutiginissaa aalajangiivigineqanngikkallarpoq.

Aappagumut pilersaarutit annertunerusumik paasinaavigikkit



NUNAP QITIUSUMIK IMMIKKOORTUINI ILITERSUISUT ATAATSIMEERSUARNERI

Nuna Tamakkerlugu Ilitersuisarfik nunap qitiusumik immikkoortuini- nunarput tamakkerlugu peqataaffigineqartunik Qaqortumi, Nuummi Ilulissanilu aqutissiuussisunik ataatsimeersuarti-tsivoq. Siunissamut immikkoortut aalajangersimasut- ataani sukumiisumik eqqartukkat - arlaan-nik kissaateqarsinnaaneq pillugu aqutissiuussisunit isumassarsitinneqarnissaq- nunap qitiusu-mik immikkoortuini ataatsimeersuartsinerni siunertaavoq. Sumiiffimminiit periutsiminnik pit-saanerpaanik ilisimasaminnillu aallaaveqarnerat pingaaruteqarpoq.

Sap. ak ataatsimeersuartsinitsinni najoqqutarisaq ima isikkoqarpoq:

- Ulloq siulleq – ullaap tungaa – ilinniarfiit, Majorissat meeqqallu atuarffiisa aqutsisui. Paasis-sutissanik aqutissiuussisunut ulluni tulliuuttuni marlunni saqqummiussassanik saqqummius-sivigineqarput.
- Ulloq siulleq – ualikkut – Ilinniartunik Siunnersuisarfiup susassaqaqatinut– ilaatigut mak-kununnga: MISI, ilaqtariinnik sullissivik, tarnimikkut nappaatilinnik sullissivik, Allorfik assigisaannullu ingerlanneqarpoq
- Ullut aappaat pingajuallu aqutissiuussisunut qullersallu ataanni aqutsisunut ataatsimeersu-arnermi peqataanissamut soqutiginnissinnaasunut. Suleqatigiissutigisat sisamat ulluni mar-lunni saqqummiunneqarput/nassuiarneqarput
 - Suleqatigiissuteqarnek/workshop siulleq: Aqutissiuussisunut atorfimmi akisussaaffin-nut nassuiaatissaq.
 - Suleqatigiissuteqarnerit/workshoppit aappaat: Ilinniagaq pillugu saaffiginnissutit iliuuseqarfigineqarnissaat
 - Suleqatigiissuteqarnerit/workshopit pingajuat: Inuttut ajornartorsiutit pillugit saaffgin-nissutit iliuuseqarfigineqarnissaat
 - Suleqatigiissuteqarnerit/workshopit sisamaat: Ikaarsaarnissamut aqutissiuussinermi meeqqat atuarfiata/ilinniarfiit/Majoriap akornanni attuumassuteqarfiit/ suleqatigiis-suteqarfiit
 - Workshop nr. 3: Håndtering af henvendelser om personlige problemer
 - Workshop nr. 4: Grænseflader/samarbejdsflader mellem folkeskole/ uddannelsesinstitutioner/Majoriaq ved overgangsvejledning



Qaqortumi, Nuummi Ilulissannilu najoqqutassat assigiilluinnaraluit, ataatsimeersuarnerit pingasut immikkut tamarmik assissaqanngillat. Taamaammat ataatsimeersuarnerit tamakkerlugit pissarsiffigeqaakka. Qaqortumi suleqatigiissuteqarnerit (workshop) siullersaanni aqutissiuussinerlu pillugu nalunaarummut isumassarsianik siullernik tunniussiviusumi aallartipugut. Qaqortumi peqataasunit pissarsiat Nuummi annertuumik timitalersorneqarput. Uan-galu Ilulissani peqataasut tunniussaannut ilannguteriikkanut qanoq annertutigisunik ilas-uteqarsinnaanissaat assut pissangagisimavara. Ilulissani peqataasut illoqarfinni nunaqarfin-nilu minnerusuni suut atorsinnaassanersut suullu atorsinaassannginnersut pillugu nammin-neq oqaatigisaminnik ilanngussaqqarput. Taamaammat aqutissiuussisuususi naapinner-si nalunaarummullu ilanngussassi tusarnerat uanni immikkut iluatitsineruvoq annertooq, nalu-naarullu naammassippat isumassarsiasi siunnersuutissilu ilaannik ilisarsisinnaanissarsi nuan-naarutigissagissi neriuutigaara.

Ataatsimeersuarnermi saqqummiussanik mailikkut USB-stik-inillu nassiussiniarlunga nerior-suivunga, sapaatillu ak. tulluuttuni taamaaliornissarput naatsorsuutigaarput.

AQQUTISSIUUSSINEQ PILLUGU NALUNAARUSIAP SULIARINEQARNEA



Aqqutissiuussisunngorlaaat misilittagallillu assigiimmik tunngaveqarnissaat qulakkeer-
niarlugu Nuna Tamakkerlugu Ilitsersuisarfiup aqqutissiuussineq pillugu nalunaarummik
suliaqarneq aallartippaa. Aqqutissiuussisunngorlaaat amerlasuut aqqutissiuussisutut
tunngaviusumik ilinniartitaanerup saniatigut ilisimasassanik pissarsiassaqaangaangitsut
misigaara. Aqqutissiuussisutut tunngaviusumik ilinniartitaaneq salliuttuassavarput,
aqqutissiuussisutulli sulineq pillugu paasissutissanik nalunaarutinngorlugu katerse-
rusuppugut.

Qaammatini tulliuuttuni susassaqaqatinik suli naapissinnasimanngisatsinnik ataatsi-
meeqateqassaagut. isumassarsiat maannamut pissarsiarisimasagut nunap qitiusumik im-
mikkoortuini aqqutissiuussisut ataatsimeersuarneranneersuupput.

Aqqutissiuussineq pillugu nalunaarutip aappaagu sap.ak. 39-mi nuna tamakkerlugu
aqqutissiuussisut ataatsimeersuarneranni saqqummiunnissaa anguniagaavoq.

AQQUTISSIUUSSINERMUT ATATILLUGU SULINIUTEQARNERUP NALILIVIGINEQARNERA

Nunatsinni aqqutissiuussineq upernaq manna nalilivigineqarpoq innersuussutaalersullu maanna kiisami tuluttut pissarsiarineqarput maannalu qallunaatut kalaallisullu nutserneqalerlutik. Maannamut innersuussutit suli tamanut saqqummiunneqanngimmata sukumiinerusumik oqaatigisinnaanngilakka. Taamaattorli innersuussutit iliuusissatut siunniussanut ukiorlu manna ukkanniakkanut ukiunilu tulliuttuni pilersaarutaasunut naapertuulluurtutut oqaatigisinaavara. Innersuussutaasunik pingaarnersiulluni tulleriarinerup, aqqutissiuussitut sulinermi amigaatit pitsaanerpaanik aaqqiiffigisinnaaqullugit, Ilinniartitaanermut- kiisalu Suliffeqarnermut Naalakkersuisoqarfiit suleqatigalugit suliaq nangeqqinneqassaaq.



SUNNGU NUTAAQ SULLISSIVIK

Digitalimik Sullissinermut Aqutsisoqarfik Ilinniartitaanermut Naalakkersuisoqarfimmiit suliffeqarnermullu Naalakkersusoqarfimmiit kiisalu Nuna Tamakkerlugu Ilitsersuisarfimmiit suleqatigiissitaq suleqatigalugit Sunngu nutaaq tassalu Sullissivik pillugu oqallinnernik aallartitsivoq. Sullissivimmik atorsinnaasumik pilersitsinissaq tamanut kissaatiginarpoq. Suleqatigiissitap aqutissiortinniat ima agguataarpai; 1) sumut qinnuteqarnissaminnik ilisimanittut, 2) periarfissat pillugit annertunerusumik paasisaqarusuttut, 3) sunngorusunniarnerminnik ilisimasaqanngivissut annertunerusumillu ikiortariiallit. Digitalimik Sullissinermut Aqutsisoqarfik suleqatigiissitap kissaataasa malinnissaat suliniutigaa. Sullissivimmi Sunngup nutaap ukiup tulluuttup ingerlanerani atorpeqarsinnaalernissaa pilersaarutaavoq.

sullissivik.gl

DIN INDGANG TIL DET OFFENTLIGE

SULIFFISSAT PILLUGIT NITTARSAASSINEQ

Københavnimi Aarhusimilu novembarip ulluisa 23-anni 24-annilu kalaallinut ilinniartunut nunatsinnilu soqutiginnittunut suliffissanik nittarsaassisoqassaaq. Tamatumani ilitsersuisarfimmit tarnip pissusaanik imm. ilisimasalittut pisortaq Lars Husted Nuna Tamakkerlugu aallartitatut peqataassaaq. Ilinniartunik nunatsinni tarnip pissusaanik immikkut ilisimasalinngorusuttunik ilitsersuisunngorusuttuniluunniit nalunngisaqaruit, uatsinnukartikkitt.



ISUA KLUMMIE

AAQQISUISUTUT AKISUSAASOQ: Christine Tønnesen

EMAIL: chto@aqut.gl

BLOG: www.aqut.gl

Inerisaanermi siunnersortinngorlaaq Kulunnguaq Korneliussen uatsinni sulilluni aallartimmat ilinniarfinni assigiinngitsuni ilisaritipparput. Tamatumunnga atatillugu Niuernermik Ilinniarfimmippugut. Ilitsersuisut Sonja Christensenip aamma Birthe Kleist Nielsenip pulaarneranni misigisarput naatsumik nassuialaaruppara.

Ilitsersuisuunerminnik nuannarinnilluinnartut nersorusuppakka, ilitsersuisut taakku marluk oqaluunneranni qanoq misilittagartutiginerat qanorlu piumassuseqartiginerat malunaarluinnarpoq. Ilitsersuisuuneq pilerlaajugaanni misilittagartuujugaanniluunniit oqitsuinnaangeqaaq. Ullup ingerlanerani qassinik saaffiginnittoqarsinnaasarnera, inuusuttunik ilinniartunillu oqaloqateqarnerit inuttut ajornartorsiutinut tunngasuugajummata, suliap qanoq oqimaatsigisinnaasarnera Sonjap Birthe-llu oqaluttuarisinnaavaat. Annikitsunik ajornartorsiutillit iliuseqarfiginissaasa qanoq ilinniarsimanera, ullullu ilaanni oqimaappallaaraangata qanoq ililutik niaqqumiit ”aniatitsisarnertik” oqaluttuarisinnaavaattaq.

Tamatumani minnerunngitsumik pimoorussinerat aqqutissiuussinermillu suliaqarnermut atatillugu ammanerat patsisaalluni, tassannga anivunga nukissanik piumassutsimillu ulikkaarlunga. Sonjamut Birthe-mullu misigisannut qujangaarpunga

Udviklingskonsulentigut nutaat nittartakkatsinni kikkuunersut takukkit:

<https://aqut.gl/nuna-tamakkerlugu-ilitsersuisarfik-pillugu/administration/?lang=gl>

”HASHI PILLUGU OQALOQATIGIINNEQ - ILINNIAGALINNUT ILITSERSUUT”

Allorfiup Danmarkimi Sundhedsstyrelsi allallu suleqatigalugit hashi pillugu oqaloqatigiinnermut ilitsersuut saqqummiuppaa.

Oqaloqatigiinneq sakkussiimmat aqutissiuussisunut tamanut atuar-nissaa innersuukkusunnarpoq.

Ilitsersuut akeqanngitsumik uanna-ga aaneqarsinnaavoq: [https://
www.allorfik.gl/Nyheder/2019/10/
tes?sc_lang=kl-GL](https://www.allorfik.gl/Nyheder/2019/10/tes?sc_lang=kl-GL)



**HASHI PILLUGU
OQALOQATIGIINNEQ**

- SULLISSISUNUT NAJOQQUTASSIAQ




NUNA TAMAKKERLUGU ILITSERSUISARFIMMIT NUTAARSIASSAT

Nuna Tamakkerlugu Ilitsersuisarfik aqqisu-
ussaannikut allannguiffiuvoq taamaammallu
inerisaanermi siunnersortinik arlalinnik
atorfinititsisoqarluni. Inerisaanermi siunner-
sortitut atorfinittussaq kingulleq decembarip
aallaqaataaniit sulilissaaq. Ulloq taanna aal-
larnerfigalugu inerisaanermi immikkoortor-
tami sulisussat sisamaasut tamakkissapput
kiisamilu nukiit tamakkiisut atorlugit aqqu-
tissiuussinermi suliniutinik annertune-
rusunik aallartitsisoqarsinnaangussalluni.
Qarasaasiakkut (e-Vejledning) aqqutissiuus-
sinermik atuutilersitsineq suliniutissat an-
nertunerusut siulliit ilagaat. Qarasaasiakkut
ilitsersuinerup februaarip ulluisa aallaqqaa-
taanni atulersinneqarnissaa anguniagaraar-
put. Januaarip aallaqaataaniit qarasaasiak-
kut sullississut misilerarlugu aallartissaagut
februaarillu ulluisa aallaqaataanni qarasa-
siakkut ilitsersuisunik piareertoqarnissaa ne-
riiutigaarput.

Siornatigut allaasereriikkatut qarasaasiakkut
aqqutissiuussineq tassaassaaq ilinniartitaane-
rit pillugit aqqutissiuussiffik ilinniartitaaner-
nullu tunngasunik assigiinngitsunik
apeqquteqarfiusinnaasoq. Taamaalilluni Ma-
joriamik aqqusaarsinngitsut aqqutissiuussis-
mik attaveqarnissamut allamik periarfis-
saqalersillugit, aqqutissiuusitinnianut atta-
veqarnissamut periarfissanik annertusaanis-
saq Nuna Tamakkerlugu Ilitsersuisarfimmit
anguniagaavoq. Apeqqutit ilinniartitaaner-
mut tunngasut pillugit qarasaasiakkut aqqu-
tissiuussisumit chatteqateqarneq,
oqaloqateqarneq mailikkullu atta-
veqateqarneq periarfissaassapput. Aqqutissi-
uussinermut atatillugu sulianik pioreersunik
taarsiinissaq siunertaanani ilassuteqarnissaq
siunertaavoq.



AQQUTISSIUUSSISUTUT QARASAASIAKKUT PAASISSUTISSANIK UJAASINERMI ISERFISSAQ NUTAAQ



Aqutissiuussisunut tunngaviusumik ilinniartitaanermut pikkorissaanernullu allanut arlalinnut paasissutissanut iserfissaq ukiorpanni atorsimasarput taarsertariaqalerpoq. Teknologi pisoqaq atorlugu taanna suliaavoq tamatumalu saniatigut paasissutissanik inunnut tunngasunik suliarinnitarneq pillugu inatsisip nutaap pitsaassutsimut piumasaqaataanik eqquutsitivinnani. Taamaamat nunarput tamakkerlugu ilinniartitaanermut tunngatillugu paasissutissanik pissarsiniarnermi iserfissamik nutamik pilersitsisimasumut Ilinniartitaanermut Naalakkersuisoqarfimmut saaffiginnippugut. Taanna aqutissiuussisutut tunngaviusumik ilinniartitaasunit hold 2019/2020-imit maanna atornerqarpoq, maanamiillu paasissutissanut iserfissanngussalluni nutaaq. Paasissutissanut iserfissaq Microsoft teknologi atorlugu sanaajuvoq, Skype for Business, Teams imal. SharePoint-ilu atortarsimagaanni ilisarineqarsinnaassalluni. Paasissutissanut iserfissamut maanna atuuttumut attavik nittatakkatsinniitiinnalaarallassavarput ukiumilu nutaami peerlugu.



ILINNIARTUNIK SIUNNERSUISARFIK

ILINNIARTUNIK SIUNNERSUISARFIMMIT

AAQQISUISUTUT AKISUSAASOQ: Lars Husted

EMAIL: lahu@aqqt.gl

BLOG: www.aqqt.gl

SEMESTERI NUTAAQ

Semesteri nutaaq allartereerpoq tamannalu Ilinniartunik Siunnersuisarfimmi malugineqarsinnaavoq.

Aggustip septembarillu ingerlaneranni innersuussutiniq nutaanik amerlasuunik tigusaqarpugut. Tamatuma immikkoortut ilaanni- ukiup ingerlanerani nungusarniaqqitassatsinnik- kigaatumik utaqqisunikkiartuarneq kinguneraa.

Ilinniartut saaffiginnittarnerat uatsinnilu oqaloqatigineqartarsinnaanermut periarfissaqarnerminnik ilisimaarinninnerat nuannaarutigaarput. Ilinniarnerep aallaqqaataani paasissutissiinnermi/ilisareqatigiinnermi ersarissuuneq qitiuttipparput, qaammatinilu kingullerni pingasuni nunarput tamakkerlugu 60-it missaannik tamatumunnga atatillugu saqummiussivugut aatsaallu taamak ersaritsigilerluta. Ersarissuunerup innersuussinernik amerlasuunik nassataqarnera malugaarputtaaq.

Ilinniartut inuttut inuuniarnikkulluunniit unammilligassaqartut sullissaraagut sapinngisarpullu tamaat utaqqineq sivikinnerpaatinniartarlugu. Ilinniarfinni aqqtissiuussisut uatsinnut innersuussisinnaalernikkut iluaallatitsinerannik tusarlerneqakulanera nuannaarutigaa.

ATTAVEQARFIIT/ATTAVEQATIGITT AQQANNI

Soqutigeqaassi- Attaveqatigiiffipput.

Septembari qaammat nunap qitiusumik immikkoortuini aqqtissiuussisut ataatsimeersuarneranni Ilinniartunik Siunnersuisarfik peqataavoq.

Pisoq taanna iluatsillugu suleqatigisatsinnik ataatsimeeqateqarpugut. MISImi-, tarnimikkut nappaatilinnik sullissisuni -, meeqqanut ilaqutariinnullu sullissivinni kiisalu Allorfimmi aqutsisut sulisullu naapippagut.

Isumaga naaperorlugu attaveqatigiinneq nukittorsarneqarsinnaavoq, ilinniakkat kiisalu siunnersortinnissamut/misissortinnissamut/katsorsartinnissamut neqeroorutit akimorlugit immitsinnut atorsinnaanerput pitsaanerulersinnaavoq. Qaqortumi, Nuummi Ilulissanilu tikilluaqqusaanerput nunannaarutigaarput.